



ZIZINDIKILO ZITATU PA
KUPACHIKIDWA
KWA AMBUYE

ZIZINDIKIRO ZITATU

- Mateyu analemba zizindikiro zodabwitsa zitatu zimene zinachitika tsiku limene Ambuye Yesu adapachikidwa.
 1. Mdima pa dziko lonse la pansi.
 2. Chinsalu chotchinga mkachisi chinang'ambika.
 3. Chibvomerezi komanso chiukitso cha okhulupilira amene adafa kale
- Chifukwa chiyani Mulungu adaperekwa zizindikiro zimenezi?





See NOTE 1

Mateyu 27:45-54 Ndipo ora lachisanu ndi chimodzi, panali
mdima padziko lonse.

See NOTE 1



Mulungu wanga,
Mulungu wanga,
mwandisiyiranji
ine?

Ndipo poyandikira ora lachisanu ndi chinayi, Yesu anafuula
ndi mawu akuru, kunene Eli, Eli lamasabakitani, ndiko kunena
kuti Mulungu wanga, Mulungu wanga, mwandisiyiranji?



Ndipo ena mwa iwo akuyimilira pomwepo, pamene anamva ananena, uyu ayitana Eliya, ndipo mmodzi mwa iwo anathamanga, natenga chimkupule, nachidzadza ndi vinyo wosasa, nachiyika pabango, namwetsa iye. Koma ena anati Taleka tione ngati Eliya adzafika kudzampulumutsa.



**Ndipo pamene anaifuula
ndi mawu akuru
anapereka Mzimu Wake.**



Ndipo onani chinsaru chotchinga cha mkachisi
chinang'ambika pakati, kuchokera kumwamba kufikira pansi.



Ndipo dziko
linagwedeze ka ndipo
miyala inang'ambika.

ZIZINDIKIRO ZITATU

- Ndipo manda anatseguka,
ndi mitembo yambiri ya
anthu oyera mtima,
akugona kale anauka.
Ndipo anaturuka mmanda
awo pambuyo pakuuka
kwake, nalowa mzinda
woyera naonekera kwa
anthu ambiri.

See NOTE 2






See NOTE 1

Ndipo pamene mkuru wa asilikari, ndi iwo amene anali naye akudikira Yesu, anaona chibvomerezi, ndi zinthu zimene zinachitidwa, anaopa kwambiri, nanena


**(1) KUUNIKA
NDI
MDIMA**



(1) KUUNIKA NDI MDIMA

- Pamene Yesu adasenza zoipa za dziko lapansi mdima unaphimba dziko lonse lapansi.
 - Mateyu 27:45 Ndipo ora la chisanu ndi chimodzi panali mdima padziko lonse la pansi, kufikira ora la chisanu ndi chinayi.
- Mdima uwu ukuyimilira mdima wa uchimo umene umachititsa mdima miyoyo ya anthu. Baibulo limanena za iwo amene ali osatembenuka mtima kuti ali mumdima, ali osiyanitsidwa ndi Mulungu amene ali Kuunika.
 - 1 Yohane 1:5-6 Ndipo uwu ndi uthenga tidawumva kwa Iye, ndipo tiulalikira kwa inu, kuti Mulungu ndiye kuunika ndipo mwa Iye monse mulibe mdima. Tikati tiyanjana ndi Iye, ndipo tiyenda mumdima, tinama ndipo sitichita choonadi.

- Chifukwa chiyani uchimo uli kufaniziridwa ndi mdima?
 1. Iwo amene ali mumdima amakhala opanda chitsogozo.
 - Yohane 12:35 "...Yendani pokhala muli nako kuunika, kuti mdima sungakupezeni; ndipo woyenda mumdima sadziwa kumene apitako."
 - 1 John 2:11 Koma iye wakumuda mbale wake ali mumdima kufikira tsopano lino. Nayenda mumdima, ndipo sadziwa kumene amukako, pakuti mdima wamdetsa maso ake.



2. Iwo amene ali mumdima sazindikira zoona zeni zeni za nyengo zimene iwo ali kukhalamo.

➤ “Kufunsira mumdima”
ndi sewero
yowonetsera
anyamata atatu
atatu amene
anafunsirana mu
mdima ndipo
pamene
iwo analowa
mukanyumba
kena kowala
adayang’ana pa wachikondi wawo ndipo anaganiza
zosintha chisankho chawo.



- Tangoganizirani kuti inu muli mu chipinda chimene chiri cha mdima wakuti bii! Ndipo mmakoma achipindacho munapachikidwa zifanizo zosiyana siyana, komanso mili zithwiro zolasa, timiyala tolasa komanso zitosi, ndi zina zopunthwitsa, Chifukwa cha mdima mkwapafupi kuganiza kuti nyumbayo iri bwino, koma pamene kuunika kwafika zinthu zonse zidzaonekera ndi kubvumbulutsa zenizeni za chipindacho, koma kuunikako kukadakhala poyambirira kukadakhala kosavuta kukonza nyumbayo pochotsa zonse zosakhala bwino. Zinthu zina zimene ziri muchindacho zikadayamikiridwa komanso kugwiritsidwa ntchito. Kodi pamene kuunika kwafika kwa ife timakulandira kapena timadada nako mpaka kukuzima?

¹ <http://www.acts17-11.com/light.html>

3. Iwo amene ali mumdima amapunthwa, kapena kukhumudwa pa zinthu zimene ziri zazing'ono.

- Yohane 11:9-10 Yesu anayankha, "kodi sikuli maora khumi ndi awiri usana? Ngati muntu nayenda usana sakhumudwa chifukwa apenya kuunika kwa dziko lino lapansi. Koma ngati munthu ayenda usiku akhumudwa, chifukwa mulibe kuunika mwa iye.



- Yobu 12:25 Iwo ayambasa mumdima mopanda kuunika ndipo nawayendetsa dzandidzandi.
- Miyambo 4:19 Njira ya woipa ikunga mdima, sadziwa chimene chiwapunthwitsa

4. Iwo amene ali mumdima sakhoza kutsogolera ena. Ngakhale atakhala kuti akufuna koma sakhoza:
 - Luka 6:39 Ndipo Iye ananenanso nawo fanizo, kodi munthu wakhungu angathe kutsogolera mzake wakhungu? Kodi sadzagwa onse awiri mbuna?"



5. Tchimo limabisalira mu mdima:

- Yobu 24:13, 15, 17 "Iwo ndiwo amene apikisana nako kuunika sadziwa njira zake, sasunga mayendedwe ake. Ndipo diso la wa chigololo liyembekezera chisisira, ndi kuti palibe diso lidzandiona, navala chophimba nkhope yake."
- Yesaya 29:15 Tsoka kwa iwo amene afunitsa kubisira Yehova uphungu wawo, ndi ntchito zaho ziri mumdima, ndipo amati, ndani ationa ife?

- Dollas Willard, wadziko la America amenenso anali katswiri otchuka pakulemba ma buku amoyo wa uzimu adati, "zinthu zonse zoipa zimachokera kumaganizo oipa amene amadzera mmoyo wobisika mchinyengo"
- Ufumu woipa umakhazikika pa zinthu monga izi, mabodza komanso zi nsinsi za mumdimu. Izi kuti zikhale zikuchitika zimafuna kuti zikhale kutali ndi kuunika. Ufumu wa mumdimu uli opanda mphamvu kuyerekezera ufumu wa kuunika. Mwachitsanzo pamene muyatsa nyali mnyumba mphemvu komanso makoswe amathawa kukabisala.¹

¹ <http://www.accts17-11.com/light.html>

- Iwo amene ali mumdima amadana ndi kuunika kuopa kuti ntchito zaho zingawonekere:
 - Yohane 3:19-20 Koima chiweruzo ndi ichi, kuti kuunika kunaza kudziko lapansi, Ndipo anthu anakonda mdima koposa kuunika, pakuti ntchito zaho zinali zoipa. Pakuti yense wakuchita zoipa adana nako kuunika, ndipo sakudza kwa kuunika, kuti zingatsutsidwe ntchito zake.
- Kuwala komweko kumene kumathandiza zomera kuti zikule kumalimbitsa nthaka. Izi zimachitika mosiyana.
 - Yohane 3:2 Iyeyu anadza kwa Yesu usiku, nati kwa Iye, Rabi, tidziwa kuti inu ndinu mphunzitsi wochokera kwa Mulungu pakuti palibe munthu akhoza kuchita zizindikiro zimene muchita, ngati Mulungu sakhala naye.

- Chifukwa chakuti anthu okhala mumdima amadana ndi kuunika ndi chifukwa chake mzaka 2000 zapitazo anthu okhala mu mdima adayesetsa kupachika Ambuye Yesu kuti azim itse kuunika. Koma kuunika kwenikweni sikuzima chifukwa cha mdima.

Yohane 1:5 Ndipo kuunikaku kunawala mumdima ndipo mdimawo sunakuzindikira.

Yohane 1:4-5, 9 Mwa iye
munali moyo, ndi moyowu unali
kuunika kwa anthu. Ndipo
kuunikaku kunawala mumdima,
ndi mdimawu sunakuzindikira.

Uku ndiko kuunika
kmwenikweni kumene
kuinaunikira anthu onse
akulowa mdziko lapansi.

□ Koma zinsinsi za mumdima ziri za kanthawi kochepa, patsogolo panthawi zizawonekera ndi kuunika(ngati sipadziko lino lapansi zidzaonekera patsiku la chiweruzo.)



- Mariko 4:22 "Pakuti kulibe kanthu kobisika, koma kuti kaonetsedwe, kapena kulibe kanthu kamene kanakhala kanseri koma kuti kaonetsedwe."
- Aefeso 5:13 Koma zinthu zonse potsutsika ndi kuunika zionekera pakuti chonse chakuonetsa chiru kuunika.
- Job 28:11 [Mulungu]... Naturutsira poyeru chobisikachi.

- 1 Akorinto 4:5 Chifukwa chake musaweruze kanthu isanadze nthawi yake kufcikira akadze Ambuye amenenso adzawonetsera zobisika za mumdima nadzasonyeza zochitika za mumdima nadzasonyeza zitsimikizo za mtima, ndipo pamenepo yense adzakhala nako uyamiko wake kwa Mulungu.
- Masalimo 90:8 Munaika mphulupulu zathu pamaso panu, ndi zoipa zathu zobisisika powunikira nkhopé yanu.
- Yobu 12:22 Abvumbulutse zozama mumdima, Naturutse mthunzi wa imfa ukhale poyerá.
- Daniel 2:22 Iye abvumbulutsa zinthu zakuya; ndi zinsinsi, Adziwa zokhala mu mdima, ndi kuunika kumakhala pamaso pake.

- Ntchito za iwo akukhala mumdima ndi zopanda pake komanso zochititsa manyazi:
 - Aefeso 5:11-12 Ndipo musayanjane nazo ntchito za mdima zosabala kanthu koma makamakanso mudzitsutse. Pakuti zochitidwa nawo mseri, kungakhale kuzinena kuchititsa manyazi.
- Moyo wawo umazindikirika ndi udani.
 - 1 Yohane 2:11 Koma iye wakumuda mbale wake ali mu mdima, nayenda mumdima ...

- Pamene dziko lapansi linadzala ndi mdima, zinachititsa kuti Mulungu abisire mwana wake nkhope yake:
 - Mateyu 27:45-46 Ndipo ora la chisanu ndi chimodzi panali mdima pa dziko lonse kufikira ora la chisanu ndi chinayi. Ndipo poyandikira ora lachisanu ndi chinayi, Yesu anafuula ndi mawu akuru, kunena Elli, Elli lamasabakitani? Ndiko kunena kuti Mulungu wanga Mulungu wanga mwandisiyiranji?"
- Mulungu adabisira nkhope mwana wake pamene Iye anatenga machimo adziko lapansi.
 - 2 Akorinto 5:21 Ameneyo sanadziwa uchimo, anamyesera uchimo mmalo mwathu kuti ife tikhale chilungamo cha kwa Mulungu mwa Iye.
- Chifukwa Mulungu ndi kuunika komanso alibe tchimo sadafune kuyanjana ndi Yesu pamene Iye anasenza machimo adziko lapansi.

- Pamene Ambuye anayamba utumiki waho timawerenga kuti:
 - Mateyu4:16 "Anthu akukhala mumdima adaona kuwala kwakukuru, ndi kwa iwo okhala m'malo a mthunzi wa imfa kuwala kunatulukila iwo."
- Ndipo Zachariya adapempera zokhuza ambuye Yesu kuti: Luka 1:78-79 "Chifukwa cha mtima wachifundo wa Mulungu wathu. M'menemo m'banda kucha wa kumwamba udzatichezera ife. Kuwalitsira iwo akukhala mumdima ndi mtnhunzi wa imfa; kulunjikitsa mapazi athu munjira ya mtendere."

- Mdima unaphimba dziko lapansi mpaka oira la chisanu ndi chinayi (3 koloko) pamene ambuye Yesu anamwalira. Kuwala kunabwezeretsedwanso. Izi ziri kuyimirira mmene Ambuye anatulutsira ife kuchokera mu ufumu wa mdima kulowa mukuunika.
- Ambuye Yesu adati:
 - Pamene Yesu anayankhula nawo, nanena, Ine ndine kuunika kwa dziko lapansi, iye wonditsata ine sadzayenda mumdima koma adzakhala nako kuunika kwa moyo. (Yohane 8:12)
 - Ndadza Ine kuunika ku dziko lapansi, kuti yense wokhulupilira ine asakhale mu mdima. (Yohane 12:46)

- Pamene talandira Yesu timachoka mu ufumu wa mu mdima ndipo timalowa mu ufumu wa kuunika:
 - Aefeso 5:8 Pakuti kale munali mumdima, koma tsopano muli kuunika mwa Ambuye.
 - Akolose 1:13 Amene anatilanditsa ife ku ulamuliro wa mumdima natisunthitsa kutilowetsa mu ufumu wa chikondi cha mwana wake.
 - 1 Atesalonika 5:5 Pakuti inu nonse muli ana akuunika, ndi ana a usana sitiri a usiku kapena a mu mdima.

- 2 Akorinto 4:6 Pakuti Mulungu amene adati, kuunika kudzawala kuturuka mumdima, ndiye amene anawala mitima yathu, kutipatsa chiwalitsiro cha chidziwitso cha ulemerero wake umene unawala pankhope ya Yesu Khristu
- Aefeso 5:8-9 Pakuti kale munali mumdima, koma tsopano muli kuunika mwa Ambuye, yendani monga ana a kuunika. Pakuti chipatso cha kuunika tichipeza mu ubwino wonse, ndi chilungamo ndi choonadi.
- 1 Petro 2:9 Koma inu ndinu mbadwa yosankhika, ansembe achifumu, mtundu woyerwa mtima, anthu amwini wake, kuti mukalalikire zoposazo za Iye amene anakuitanani muturu ke mumdima, mulowe kuunika kwa mwana wake.

- Ambuye Yesu adasiyanitsa anthu aufumu wa mdima ndi iwo a ufumu wa kuunika: "Chifukwa ana anthawi yapansi pano ali anzeru m'mbadwo wawo koposa ana akuunika." (Luka 16:8)

1. Anthu adziko
lapansi



2. Anthu
a kuunika



- Kuchoka mu mdima ndi kulowa mkuunika kumachitika pamene tiyika chikhulupiliro chathu mwa Yesu:
 - Machitidwe 26:17-18 "...Ndikukulanditsa kwa anthu, ndi kwa amitundu, amene Ine ndikukutuma kwa iwo. Kukawatsegulira maso awo kuti atembenuke kuchoka kumdima, kulinga ku kuunika, ndi kuchokera ku ulamuliro wa satana kulinga kwa Mulungu, kuti alandire iwo chikhululukiro cha machimo, ndi cholowa mwa iwo amene akuyeretsedwa ndi chikhulupiliro cha mwa Ine. "

**(2) CHI NSALU CHA MKACHISI
CHINANG'AMBIKA**



Chizindikilo cha chiwiri chinali cha kung'ambika kwa chinsaru
cho tchinga mu kachisi.

BWALO LA AMITUNDU

**BWALO LA
AZIMAYI**

BWALO LA A ISRAYELI

**DERA LA
ANSEMBE**

**MALO
OYERA**

CHINSALU

MALO

OYERETSETSA

- Chotchinga chimene Mateyu anali kunena chinali kutchinga polekanitsa malo opatulika ndi malo opatulikitsa.
 - Ahebri 9:3-5 Koma m'kati mwa chophimba chachiwiri, chihemza chonenedwa Malo Opatulikitsa; okhala nayo mbale ya zofukiza yagolidi ndi likasa la chipangano, lokuta ponsepo ndi golidi momwemo munali mbiya yagolidi yosungamo mana ndi ndodo ya oAroni idaphukayo ndi magome a chipangano; ndi pamwamba pake Akerubi a ulemerero akuchititsa mthunzi pachotetezerapo; za izi sitikhoza kunena tsopano padera padera.
- Ndiye mukachitsi patsogolo pa malo opatulika panali chi msalu chotchinga malo opatukilitsa amene anali malo amkati kati kumene Likasa la pangano linali kukhala, chophimba likasalo chinali mpando wachisomo, ndipo malo opatulikitsawa anali wodzala ndi Ulemerero wa ukulu wa Mulungu.

- Chotchinga chimene chinali mukachisi woyamba chinakonzedwanso ndipo makonzedwewo alikufotokozeredwa motere;
 - Eksodo 25:31-34 Ndipo uzipanga choikapo nyali cha golidi woona choikapocho chisulidwe mapangidwe ake, tsinde lake ndi thupi lake; zikho zake, mitu yake, ndi maluwa ake zikhale zochokela momwemo; ndipo m'mbalizake mutuluke mphanda zisanu ndi imodzi; mphanda zitatu za choikapo nyalicho zituluke mbali yake yina, ndi mphanda zitatu za choikapo nyalicho zituluke mbali inzake. Ku mphanda ina kukhale zikho zitatu zopangika ngati katungurume, mutu ndi luwa ndi ku mphanda inzake zikho zitatu zopangika ngati katungurume, mutu ndi luwa; zitere mphanda zisanu ndi imodzi zoturuka m'choikapo nyalicho. Ndipo pa choikapo nyali chomwe pakhale zikho zinai zopangika ngati katungurume, mitu yake ndi maluwa ake.

(2) CHINSALU CHONG'AMBIKA

- Mchipangano Chakale wa Msembe wa mkulu amalowa ku malo opatulikitsa kamodzi pachaka:
 - Ahebri 9:7 Koma kulowa m'chachiwiri, mkuru wa ansembe yekha kamodzi pa chaka, wosati wopanda mwazi, umene aperekwa chifukwa cha iye yekha ndi zolakwa za anthu.
- Kippur (Tsiku lakuchita chotetezera, Wa Msembe wosankhidwa anali kutenga mwazi wa mbuzi, komanso wankhosa zimene zaphedwa kukaperedwa nsembe anali kudutsira malo opatulika amene ansembe ang'ono onse anali kuloledwa kulowamo nafikira kumalo opatulikitsa anali kuperekwa msembe pa mpando wa chisomo yakulowa mmalo mwa anthu ochimwa. Msembeyo inali kupembedzera miyoyo ya anthu ochimwawo ndi kuchotsa tchimo la aIsrayeli.

- Njira yofikira Mulungu Sinali yosatseguka kwa anthu onse koma Kwa Ansembe akulu ndi aneneri okha:
 - Ahebri 9:8 Mzimu Woyerwa wodziwitsa nako, kuti njira yolowa nayo ku malo opatulika siinaonetsedwe, pokhala chihema choyamba chiriri chiriri.
- Pamene Ambuye Yesu adamwalira chinsalu chimene chinali kulekanitsa anthu ndi malo Opatulikitsa amene anali ndi Kupezekwa kwa Mulungu chinang'ambika.
 - Mateyu 27:50-51 Ndipo Yesu pamene anafuula ndi mau akuru, anapereka mzimu wake ndipo onani chinsaru chotchinga cha mkachisi chinang'ambika pakati kuchokera kumwamba kufikira pansi, ndipo dziko linagwedezeaka, ndi miyala inang'ambika.

- Mbiri ya chikhalidwe cha chi yuda imanena kuti Chinsalu chotchingachi chinali chokhutala ngati mmene dzanja la munthu. (40 cubits (18 metres) high, 20 cubits (9 metres wide)



□ Funso: Ndani amene anang'amba chinsalu chotchingacho?

Yankho: Mulungu Ndiye - Mateyu analumba kuti chinsaluchi chidang'ambika kuchokera pamwamba kufikira pansi. Pa utali wa kikono khumi isanu kudza itatu palibe munthu amene akadakhoza kuching'amba.

□ Mulungu anali kuwonetsera kuti kuti njira yolowera kumalo opatulikitsa iri yotsegulika kwa wina aliyense, ndipo nchiyanjano ndi Mulungu chimene chinatayika chabwezeletsedwa. Chiyanjano chathu ndi Mulungu chinatayika pamene Adamu ndi Eva anachimwira Mulungu ndipo adathamangitsidwa pamaso pa Mulungu. Yesu Khristu ndiye nkhoswe yathu yotianjanitsanso ndi Mulungu.

- Aroma 5:10 Pakuti ngati pokhala ife adani ake tinayanjanitsidwa ndi Mulungu mwa imfa ya mwana wake makamaka ndithu popeza ife tayanjanitsidwa, tidzapulumuka ndi moyo wake.

- Nsembe za mchipangano chakale zinali kungokumbutsa anthu za machimo awo koma nsembezo zinalibe mphamvu yakukhululukira machimo:
 - Ahebri 10:3-4 Koma mu izizo muli chikumbu kiro cha machimo chaka ndi chaka Pakuti sikutheka kuti mwazi wa **ng'ombe** za mphongo ndi mbuzi ukacho tsera machimo.



- Chifukwa tiri nawo makhululukidwe amachimo, chinsalu chotchinga chinang'ambika kuwonetsera malo amene nsembe zopembedzera uchimo zinali kuchitika, izi ziri kutionetsera kuti, sipakufunikiranso nsembe monga za Mchipangano cha kale kuwanso mmalo opatulikitsa.
 - AHebri 10:15-18 Koma Mzimu Woyeranso atichitira umboni, pakuti adatha kunena, Ichi ndi chipangano ndidzapangana nao, atapita masiku ajawo anena ambuye "Ndidzapereka malamulo anga akhale pamtima pao, Ndipo pa nzeru zao ndidzawalemba; Ndipo machimo ao ndi masayeruziko ao sindidzawakumbukilanso. Koma pomwe pali chikumbukiro cha machimo palibenso chopereka cha kwa uchimo. "

- Kung'ambika kwa chinsalu kumayimirira kung'ambidwa kwa thupi la Ambuye Yesu pamtanda kumene kunatitsekulira njira yakukafikira kupeze ka kwa Mulungu.
 - Ahebri 10:19-22 Ndipo pokhala nacho abale chilimbikitso chakulowa m'malo opatulika ndi mwazi wa yesu pa njira yatsopano ndi yamoyo imene adatikonzera mwa chotchinga ndicho thupi lake, ndipo popeza tili naye wansembe wamkuru wosunga nyumba ya Mulungu; tiyandikire ndi mitima woona m'chikhilupiriro chokwanira ndi mitima yathu yowazidwa kuichotsera chikumbu mitima choipa ndi matupi athu osambitsidwa ndi madzi oyera.

- Mosiyanitsa ndi machitidwe aChipangano chakale lero anthu onse akhoza fufikira Mulungu kudzera mwa Yesu.
- "Ndipo pokhala nacho, abale chilimbikitso chakulowa mmalo opatulika, ndi mwazi wa Yesu" Aheberi 10:19 Chifukwa machimo athu amene anali kutisiyanitsa ndi Mulungu anachotsedwa.
- Chipangano chathu chatsopano chiriri nayo njira ya moyo yotrifikitsa kwa Mulungu. "Tiyandikire ndi mtima woona, mchikhulupiliro chokwanira. " (Ahebri 10:19-22.)



MULUNGU ALI KUNENETSA, "KHOMO LIRI
LOTSEGUKA IDZANI MUDZALOWE MUKUMANE NANE

(3) KUUKA KWA AKUFA



□ .. Ndipo dziko
linagwedeze ka, ndi miyala
inang, ambika, ndi manda
anatseguka, ndi mitembo
ya anthu ambiri inauka.
Ndipo anaturuka mmanda
mwawo pambuyo pakuuka
kwake nalowa mzinda
woyera, nawonekera kwa
anthu ambiri.

See NOTE 2



- Chizindikilo chomaliza chotsatira imfa ya Ambuye Yesu chinali chibvomerezo, kung'ambika, ndi kuukitsidwa kwa Okhulupilira oyera mtima achipangano chakale.
- Mulungu asanapereke malamulo achipangano chakale kwa Mose phili lidagwedezeza:
 - Eksodo 19:18, 20 Ndipo phiri la Sinai linafuka monsemo, popeza Yehova anatsikira m'moto pamenepo; ndi utsi wake unakwera ngati utsi wa m'ng'anjo, ndi phiri lonse linagwedezeza kwambiri. Ndipo Yehova anatsikira pa phiri la Sinai, pamutu pake pa phiri; ndipo Yehova anaitana Mose akwere pamutu pa phiri; ndi Mose anakwerapo.

- Tsopano Mulungu anakhazikitsa pangano latsopano la Chisomo, kenanso dziko lapansi linagwedezezekanso. Kung'ambika kwa miyala komanso kutseguka kwa manda zinali kulotsera za chiukitso chotsiriza, chimene Yesu adzapereke ndipo Iye mwini adachiwonetsera pamene Iye anauka kwa akufa patsiku lachitatu.
- Tiri kuonanso kuti oyera mtima anauka. Koma pamene chibvomerezi chidachitika pamene Yesu anali kumwalira mu Vesi 53 likuwonetsera kuti oyera mtimawa adawonekera pa mbuyo pa kuuka kwa Ambuye Yesu. Chifukwa chiyani? Yesu ali chipatso choyamba chakuuka kwa kufa:
 - 1 Akorinto 15:20 Koma tsopano Kristu waukitsidwa kwa akufa, chipatso choundukula cha iwo akugona.

(3) KUUKA KWA KUFA

- Ndiye kuuka kwa akufa kwa Ambuye Yesu pamodzi ndi oyera kumatitsimikizira kuti kudzera mu imfa ndi kuuka kwa Ambuye Yesu tiri nacho chiyembekezo cha kuuka kwa kufa kulowa mmoyo wosatha.
 - Yohane 11:25-26 Yesu anati kwa iye, Ine ndine kuuka ndi moyo wokhulupirira Ine, angakhale amwalira, adzakhala ndi moyo ndipo yense wakukhala ndi moyo, nakhulupirira Ine, sadzamwalira nthawi yonse. Kodi ukhulupirira?
 - Aroma 6:23 Pakuti mphotho yake ya uchimo ndi imfa; koma mphatso yaulere ya Mulungu ndiyo moyo wosatha wa mwa Kristu

(3) KUUKA KWA KUFA


- 1 Yohane 5:11-12 Ndipo uwu ndi umboniwo kuti Mulungu anatipatsa ife moyo wosatha, ndipo moyo umene uli mwa Mwana wake Iye wakukhala ndi Mwana ali nao moyo; wosakhala ndi Mwana wa Mulungu alibe moyo.

ZOTSATILA ZA IMFA YA YESU

See NOTE 1

- Mateyu 27:54 Ndipo pamene mkulu wa asilikari ndi iwo anali naye akudikira Yesu, anaona chibvomezi ndi zinthu zimene zinachitidwa, anaopa kwambiri, nanena, "Indedi uyo ndiye Mwana wa Mulungu."
- Msirikali wa mkulu adamva chibvomerezi nawona kumwalira kwa Yesu ndipo adabvomereza kuti Yesu anali mwana wa Mulungu:
 - Mariko 15:39 Ndipo pamene Kenturiyo woimirirapo popenyana ndi Iye anaona kuti anaperekwa mzimu koteri anati, "Zoonadi munthu uyu anali Mwana wa Mulungu."

- Nanga inu kubvomera kwanu kuli kotani pa zizindikilo zitatu izi zimene zinaonekera pa imfa ya Ambuye Yesu.
 1. Kodi musiyana nawo ufumu wa mdima ndi kulowa mu ufumu wa kuunika umene umadzera mwa Ambuye Yesu?
 2. Kodi mudzera pa chinsalu chong'ambika mkulowa mu chiyanjano ndi Mulungu?
 3. Kodi mukhala mwana wa Mulungu ndi kukhala ndi chiyembekezo cha moyo wosatha?
- Kodi inu mungakhale ngati mkulu wa asirikali amene adanena kuti Yesu anali mwana wa Mulunau?



Audio (WMA) and text (PDF) ministry

FREE MINISTRY DOWNLOADS



MLEMBI: GAVIN PAYNTER WOMASULIRA :

DAVID MAKIYI

- For more ministry downloads visit: [http://www.
agfbenoni. co. za/ministry-archives. aspx](http://www.agfbenoni.co.za/ministry-archives.aspx)
- For more ministry downloads by Gavin Paynter visit:
[http://www. agfbenoni. co. za/ministry-archives.
aspx?speaker=Gavin%20Paynter](http://www.agfbenoni.co.za/ministry-archives.aspx?speaker=Gavin%20Paynter)

COPYRIGHT INFORMATION

- NOTE 1: Biblical illustrations by Jim Padgett, courtesy of
<http://sweetpublishing.com>
- NOTE 2: Bodies of many holy people who had died were raised to life,
Painted by James Tissot.
- Unless otherwise stated, Scripture quotations are taken from the NIV:
 - THE HOLY BIBLE, NEW INTERNATIONAL VERSION®, NIV®
Copyright © 1973, 1978, 1984, 2011 by Biblica, Inc. ™
Used by permission. All rights reserved worldwide.
- Scripture quotations taken from the NASB:
 - New American Standard Bible®,
Copyright © 1960, 1962, 1963, 1968, 1971, 1972, 1973, 1975, 1977,
1995 by The Lockman Foundation
Used by permission. (<http://www.Lockman.org>)